

EDUKACIJE O PRAVNOM ASPEKTU MEDICINSKIH GREŠAKA U DEVET GRADOVA REPUBLIKE SRPSKE

Saradnja Strukovnog sindikata doktora medicine Republike Srpske i ASA OSIGURANJE d.d.

(Bijeljina, 15. novembar 2016) Strukovni sindikat doktora medicine Republike Srpske u saradnji sa ASA OSIGURANJE d.d., organizuje niz edukativnih predavanja o temi "Pravni aspekt medicinskih grešaka", koje će se u naredna dva mjeseca održati u Banjoj Luci, Prijedoru, Bijeljini, Gradišci, Doboju, Zvorniku, Istočnom Sarajevu, Foči i Trebinju. Na predavanjima koje će voditi dr. **Željko Karan**, posebno će biti prezentovana tema "Medicinska greška u praksi", dok će ASA OSIGURANJE predstaviti posebnu ponudu osiguranja građansko - pravne odgovornosti osiguranika prema trećim licima. Ova ponuda se posebno odnosi na neočekivane i iznenadne događaje (nesreće), koje proizlaze iz djelatnosti doktora, a za posljedicu imaju tjelesne povrede, narušavanje zdravlja ili smrt lica.

"Poznato je da je doktorima dobrobit pacijenata na prvom mjestu, a imajući u vidu složenost i zahtjevnost njihovog poziva, ASA OSIGURANJE nudi proizvod koji odgovara savremenim standardima osiguranja odgovornosti, osiguranju profesionalne odgovornosti doktora", istakla je Dragana Ždralo, direktorica Filijale Bijeljina te dodala da ova polica osiguranja pokriva sudske troškove, troškove advokata te pokriće odštetnog zahtjeva do ukupnog iznosa osiguranja.

Uzroci medicinskih grešaka su brojni i povezani su sa radom medicinske struke, novim procedurama, ekstremnom dobi, kompleksnom njegovom i hitnom skrbi. Nepravilna dokumentacija, nečitak rukopis ili neadekvatni omjeri lijekova, konstantno doprinose mogućnosti i povećanju grešaka u svakodnevnom radu. Ljekarske komore i sindikati zaposlenika u zdravstvu, posljednjih nekoliko godina sve više osiguravaju svoje zaposlenike ili članove od eventualne odgovornosti. Bilo da se radi o odgovornosti za štetu koji bi prilikom obavljanja svoje registrovane ljekarske djelatnosti ili uslijed neispunjenja, manjkavog ispunjenja ili zakašnjenja u ispunjenju svojih profesionalnih/ugovorenih obaveza mogli prouzrokovati pacijentu ili trećoj osobi kao oštećenom.

ASA OSIGURANJE d.d. je domaće osiguravajuće društvo koje je počelo sa radom u oktobru 2007. godine. U relativno kratkom periodu svog postojanja, ASA OSIGURANJE d.d. izraslo je u respektabilnu osiguravajuću kuću sa značajnim poslovnim rezultatima i rasprostranjenom mrežom od 12 filijala u glavnim ekonomskim centrima kao što su Sarajevo, Zenica, Tuzla, Mostar, Travnik, Bihać, Goražde, Banja Luka, Prijedor, Bijeljina, Doboj i Istočno Sarajevo, te više od 50 prodajnih mjesta širom BiH. Jedna od osnovnih komparativnih prednosti ASA OSIGURANJA je brzina obrade i isplate odštetnih zahtjeva gdje prema zvanično dostupnim podacima, u protekle tri godine, zadržava leadersku poziciju. ASA OSIGURANJE u svojoj ponudi ima kompletnu paket proizvoda neživotnog osiguranja - osiguranje osoba, vozila i imovine sa više od 70 hiljada klijenata. Članica je vodećeg BiH privatnog sistema, ASA PREVENT grupacije, koja upošljava preko 6000 ljudi u BiH i 12000 globalno.







ASSICURAZIONE



Logo of the organization, featuring a stylized emblem above the text "KONFERENSI" and "KEMENTERIAN PERENCANAAN DAN MANAJEMEN NEGARA".

